

GRATIS AWE Mainta

e corant di Toko



MINISTER DR. RICHARD VISSER DURANTE CHARLA ORGANISA PA S.E.A: “FUNDACION EPILEPSIA LO TIN TUR SOSTEN Y APOYO DI SALUBRIDAD PUBLICO”

Un organisacion cu sigur tin un funcion noble y ta aportando hopi na conscientisacion y informacion pa e comunidad di Aruba, ta Stichting Epilepsie Aruba. Recientemente e fundacion a tene un charla special den cual a invita varios experto riba e enfermedad aki y a comparti informacion, duna guia y hasta a conta testimonionan

di casonan andando. Den e charla a pone enfasis riba casonan di epilepsia bou di muchanan.

Epilepsia ta un di e trastornonan neurologico mas extendi na henter mundo. Ta calcula cu 2% di cada poblacion ta sufi di epilepsia y mirando e calculo aki, por deduci cu na Aruba nos lo tin mas o menos 2000 pashent. “Ta importante pa nos educa nos hendenan tocante epilepsia, ya cu ta obvio, cu hopi di nos hendenan no sa hopi di e topico aki. Prome cos cu ta importante pa nos tur ta na altura di dje ta, cu e no ta transmitibel ni contagioso”, asina e mandatario a splica na cuminsamento di su discurso durante e evento cu a conta cu hopi interes.

E fundacion aki no ta fungi solamente durante ‘purple day’, pero ta sigui cu informacion

y conscientisacion henter aña. Epilepsia tin hopi posibel causa, cu ta inclui e enfermedadnan, lesion cerebral y desaroyo cerebral abnormal. Pero a pesar di esaki, den hopi caso, e causa ta keda desconoci, pues hasta e expertonan tin duda y hopi pregunta ainda tocante e malesa aki. “Ta yega momento cu nos poblacion, den pasonan chikito, mester bira mas alerta, respetuoso y tin mas comprension pe malesa aki,” segun Minister Visser.

Durante e anochi tabatin 2 orador invita; manera ta Dr. Eric Arends y Dr. Kessler cu a elabora mas tocante epilepsia y kico tur nos mester ta na altura di dje. “Nos di salubridad publico ta duna tur sosten y apoyo na e fundacion aki y alabes nos kier desea boso hopi exito den boso funcion como fundacion y ban educa nos pueblo na e miho manera tocante e malesa di epilepsia”, asina Minister Dr. Richard Visser, Minister di Salubridad Publico y Deporte a termina bisando.

**PRATT & LAMBERT
PAINTS**
Never compromise

**BUY 2 GET 1
FREE**
On Pratt & Lambert Items

Dijtham
PAINT, TOOLS 'N FASTENERS
Schotlandstraat 67 - Tel. 588 9526

GARZEL
PRESENTS
Diaranson

6-9pm happy hour,
FREE TAPAS,
\$3 wine and
selected drinks